

vnd fix geworden ist / so kan er die Mühe vnd Kohlen / welche daran gewendet / genugsamb bezahlen.

N.B. Hieher gehöret der Procesß / die Metalla Soluta vber gefeylet Hirschhorn / geschüttet vnnnd distilliret.

C A P U T C.

De Oleo Succini.

Der Agstein gibet ein sehr liebliches vnd kräftiges Oleum , insonderheit das weisse / das gelbe ist nicht so gut/ vnnnd das schwarze noch schlechter / dann es wegen seiner Unreinigkeit auch nicht wol innerlich kan gebrauchet werden/vnd gehet zugleich auch mit vber ein Sal Volatile , vnnnd sāwerlich Wasser / welche von einander müssen geschieden werden / das Wasser hat (so viel mir bewust) wenig Krafft/ das Sal, wann es von Sale Tartari sublimiret vnd rein gemacht wirde / ist ein gut diureticum , in calculo , vnnnd podagra , so wol eusserlich als innerlich nützlich zu gebrauchen / das Oleum wann es rectificiret ist / sonderlich dasjenige / welches zu erst vbergehet/ nicht allein davon zu 6. 8. 10. bis auff 20. Tropfen / auff einmahl gegen pestem , epilepsiam , suffocationem matricis vnd hemicraniam eingommen / sondern auch eusserlich gebrauchet/ als daran gerochen/vnd vnder die Nasen gestrichen / ein Herrliche vnd kräftige Medicin ist / vnd ist zu mercken / wann es durch einen Spiritum Salis